

拜
經
樓
詩
集

拜經樓詩集續編卷之三

起乙丑冬
盡戊辰冬中華書局上海

海寧

吳編
可棧客書

廣陵遇宋芝山

朔雪吳霜滿鬢斑相看俱異昔時顏西風建業一杯水

舊業中條萬里山丹穴將雛元不易

芝山尚
未有子紅橋畫稿

爲誰刪多情最是當壚女猶勸遊人買醉還

旅夜有懷

半是丹楓半白鴻聯翩逐我過江東吳公臺下一回首
隋帝宮前多晚風九日雲山誰戲馬百年天地愧雕蟲
紅閨遲爾刀環夢玉漏迢迢夜未中

瓜洲夜泊

何許問隋宮
寒煙間落楓
京江明戍火
瓜步集霜篷
客夢三秋月
豚吹五夜風
平明隋帆去
千里逐歸鴻

目連謠

目連江南村劇也毘陵舊俗賽神者多演目連今秋田禾方實時有飛蝗蔽天而下望若烏雲所集之處但演目連卽羣引而去不損一粒各鄉村效之竟無一被災者吳子感焉爲作目連謠

演目連迎猛將神之來旗蕩颺目連救母神救民飛蝗斂腹過遠村蝗心卻比官心好今年開倉大家飽

畱別春浦

銅官山下訪鶯籠螺女門前泊釣篷欲訴離情秋草碧
翻添清淚夜鐙紅芳尊此後誰同酌銘誅從來本未工
時以其祖母貞節傳爲屬好倩月珠樓上月照儂千里過吳楓

小檀欒室讀書圖

奚純章爲胡應元查旣常范升之屠孟昭及積堂作

寶蓮東南秀嶺截倚蒼蔚孤嶺界其巔荒堞連雲出鍾
魚應城柝餘響交瓶拂中有高世流結侶檀那密五子
若五經妙莫可離一讀書不求官生天定先佛當其心
所契賢聖同根櫬爲學貴及時滔滔者白日如何仲氏
子高論設何必六籍本鑄我精理非外掇譬彼優曇花

不染微塵黜鐵君吾金蘭投老致蕭瑟默喻逃禪旨嬾
窺畫禪室自非羣彥好詎易驚溪熨青螺沒澄空白鳥
望中沒一笑大江橫千秋斯絕筆

觀陳氏玉箴堂舊藏鍾可大書靈飛經殘木題後
效半格體

唐宮六甲佩眞符四十三行世更無譬得鍾離仙子筆
好驂丹鳳見元都

元都玉眞
公主賜號

冬日喜榕園半圭偕過耕煙山館小飲卽事

一壑風煙暝夕巒故人握手馨交歡香穿碧洞落梅圻
月映清池翠竹寒往事都成雕玉楮新吟還擬叩珠槃

畱連我輩元千古莫作烏飛兔走看

涉園圖鷗舫屬題

二首

白苧南來古堞存秦溪幾曲到烏村題詩每倚花間石
待月常移竹裏尊一壑風煙開卷畫十年霜雪老黃門
輞川名勝多無恙付與王

獻方薰

妙手論

藉甚塘南第五橋馬蹄從古不辭遙曲池展帖春修禊
指甲寅上巳事高閣談經夜聽潮雅有幽懷傳董巨別開生面
付漁樵平生不是張侯舊幾認青山話六朝

胡循蜚畫

癡絕胡司李濠梁氣未忘寥寥聽瀑意如坐米山堂

得徐雪廬見懷詩卻寄

趙北燕南幾問津歸來重理釣車綸玉臺往事傷徐俳

雪廬室陸萊竹前恩感孟仁雪廬少孤事母有孝行南郭春回千

澗闊西吳雪後數峯陳曼卿遠梅已死飛卿梅史別潦倒空

慙有此身書有春時見訪之約

原作

武康徐熊飛雪廬

芙蓉江上酒同攜歸去春風野鳥啼畫舫平移煙渚

外花源遙隔海門西三吳文獻存耆舊千里雲山閱

杖藜欲訪龐公棲隱處柔桑綠遍小桐溪

除夜有懷少白兼寄梅史都門雪帆茂苑

流光只見日翻車。住劫眞同壑。赴蛇十里龍山封臘尾。
半牕雞樹落冰花。人懷燕市貂裘弊。酒寄吳航旅夢賒。
卜得明朝風信好。探春先到玉川家。

和原韻

海寧 陸素生 雲裘

門外常停問字車。小山叢桂攬龍蛇。已開臘甕添丹
渥。常供梅花閱歲華。錦字冰紈書屢遞。吳雲燕雪路
終賒。新詩寄與休言晚。早覺陽春遍一家。

寄寒公

以下
丙寅

支遁山中跡。徐君澗上薇。晚風開磬室。春雨挂田衣。泉
爲沙崩赤。花從道勝肥。卻看人境外。千里鶴孤飛。

春日偶過吳山小築題壁 二首

芄芃薺麥綠新齊小築吳山更向西何物最能砭俗耳
似曾相識有黃鸝

一水斜通杜曲長幾家春酒醉年芳豚蹄不到臯蘇廟

題字空懷老奉常

小峴太常嘗爲臯蘇廟題額

憶舊寄何春渚處士

湖海生涯竹籜冠舊游如話夢初闌梅林放鶴春偏早
雪屋談經夜不寒水部詩情傳畫監杜陵菜把問園官
何時握手西泠路重卜鱸頭一笑歡

復題載詩圖後 二首

夜半空將海月鉤

海月冷挂珊瑚
枝蕭東夫句

脩川別墅圖爲小海作

白沙翠竹脩川渡
渡口千峯青若吐
山畱欲出不出泉
雲壓將崩未崩路
一亭木末風吹動
萬斛濤頭瀉飛棟
隔溪宛見神仙宅
知與邱丹舊鄰共
牙籤溢架屏繞玉
石銚笙沸安平淥
水芝香到恰開門
側身西望招黃鶴

漢銅弩機詩

威弧不垂弦
冶金可省筈
軒皇昔剗制
涿鹿資鑿撻
厥有楚氏琴
遺法逮於越
臂師洎耳師
名各詳鄆物
齊惟三品視
材任千山
伐唐夾美並
擅弓彈力兼
括錯銀鏤

鳥蟲剋度審毫忽機藏緣中空毒韞何內黠沙虛趁人

影肉綻殃馬骨懸刀厲乃刃奮臂憑一捺苟能呼其名

無遠望勿達

太公兵法弩神名遠望

所以百步王足掃億兆卒霹

靄走晴空川嶽乍震揭巖肩殫豹虎澤腹賊獫獫古之

善用者指手巧排授都尉棄車營應弦殪豕突馬陵夾

道休取消在倉猝況彼安陽猛三萬死三發向無眉珠

敗幾致臣佗蹶時平高鳥盡

文子高鳥盡良弩藏

聊佐雅玩閱筆

墨託元戎硯林訂倚札霞烘翡翠流水罍丹砂潑魯縞

無藉穿古香徒醅醇憶當三泉錮誤蹈石可沒祇今蓬

蒿懸殘鳴嘯寒月坐乏射隼才安慰鎮南渴猶恐把杯

遲幾疑赤蛇活

蜀宮詞 五首

紅紗籠壁信前知回首芳華一餉時
星宿山前燈架倒
瑤花何處哭瑤枝

不辭卯酒醉銀缸瑞氣熊熊滿玉窗
只道鴛鴦天巧盡
那知並蒂有雙雙

嶺梅未敢鬪精神一粒俄看大出新
記得青城山下路
紅梳開到小陽春

春風士女最駢闐猶把開元舊事傳
唱徹當筵康老子
君王含笑問龜年

十字津頭釣艇歸數重花外燕雙歸曲江宮殿錦江柳
一襟樓臺冷夕暉

遊西山丹井山房同半圭犀谷過素公

停橈上谷湖芳風望蘭榭一徑延清暉秋滿毘耶舍疎
鐘煙嶺隔逸韻遙堪惜冉冉足下雲丹碧互凌跨梯空
渺層級絕磴紆湍瀉縈青繚白間琳宇參高下良游信
幽討應接夫何暇緬維勾漏令伊昔淹高駕唳鶴聽清
宵巖花幾間謝丹成伴軒鼎肩次松喬亞遠公知我來
數坐依松化冥然顧素心元言聞豈乍瓶笙竹外喧塔
影杯中寫澄懷觀智水不舍窮晨夜何日紫微歸輕帆

此重鉞

謂小峴
涼兆

哭鷗舫上舍

尺素猶瞻海上鴻
霜天白菊正叢叢
無端淚灑三秋杪
總爲交深兩世中
思曼風流衰柳在
子期心事暮琴空
明明怨醉軒頭月
忍照天涯絮酒紅

張嘉善乞陶謝詩

孔雀東南飛五雲隨其下
白日麗高旻清風颯堪藉
使君羅浮來環珮列仙亞
前年權海國政理弦歌暇
尺書枉見存蘿薜輝光借
衰顏依牖戶顧影默矜詫
置書懷袖中忽忽春徂夏
南耕歲頻歉哀鴻集誰舍
窮櫛渴借

恂父老尤思霸人言春陵恩卽今魏塘化百里望晨風
方舟淹未駕陶公贊羣輔望古高嵩華白也登東山塔
焉懷小謝我欲寄新詩因問蘭風榭微棕苟可喻譬彼
書在肥亮哉先民言逝者窮晨夜何處白牛涇花開藐
姑射

祭長恩

軒皇制文字爰始代結繩造化一以洩神號徹幽冥慨
自秦火來又幾散與并所以儲藏家收集繁經營或探
嫺嬛祕或叩宛委局或載車兼兩或稱面百城汗牛力
不任充棟雲連帙紗幘鐫旣牢寶笈搜彌精裝用錦暉

古熏以零陵馨微風度曹倉籤帙鏗琤珥昔人抱此癖
謂性命可輕寧容鼠賊輩齒牙利於兵窟宅晝潛伏出
入恒戴星專倚鬼蜮踪況比蟬魚朋何嘗三食化徒逞
五技能齧骨復噬腦毀靶且裂繪青編無一完毒矢尤
堪憎跡其諸罪惡擢髮難具呈張湯時不存疇爲具五
刑側聞致虛語久誌長恩名謂當卻鼠刀鋒稜莫敢撓
吉蠲逼除夕汎掃筵前楹洗觶浮椒花雕俎申中情傳
芭荆巫豔帔舞越謳清神來氣肅穆赫赫揚威靈誓言
磔渠魁開道遣五丁乘車入其穴掃蕩驅風霆強鼠抱
頭竄弱鼠亂縱橫黠鼠前致辭請布一言烹吾聞古學

者斷絕韋編曾數載不窺園三年通一經晞光藉鄰壁
縫囊貯乾螢一朝刺其股雖血沾於纓咄哉乎夫子嬾
漫性素成跂腳北窗眠日肝且未興簡編束高閣何用
誇滕贏不如飽吾腹書憤庶少平陳詞未及旣神爽若
失憑幡然駕尻輪浩蕩隨所征挽之不可畱愧汗徒自
增衆鼠仍安宅得意時一鳴

除夕寄懷堯圃 三首

鬢上年華枕上書迢迢雙鯉問巢居何時築就長恩閣

雪滿支硎歲又除

堯圃嘗擬作長恩閣於支硎以藏書

百宋塵頭萬卷陳飛來爆竹一枝春惟應九九銷寒後

細數梅花報喜神

君有宋槩朱伯仁
梅花喜神譜最精

楞伽山色照樓新
暖入書堆翠欲頻
會得石湖詩句好
年時祭竈請比鄰

同陳簡莊查春園登龍山羅雲閣卽景二首兼寄

少白雪帆

以下
丁卯

溪上此山古名藍
半山雲風迴雙磬
合春暖百泉分依
檻評梅格巢松待
鶴羣清言霏玉屑
不藉戒香熏
攜琴過石壁讀畫
倚經臺雲岫窗中
列潮音海上來僧
同元豹隱笥護籙
龍胎惟有懷人意
春風掃不開
陳受笙以入關出
塞諸集見眎率題
三絕句

牡丹紅豆豔春煙袖得驪珠夜不眠試與騷壇掄品格
英雄才子亦神仙

登樓賦罷不勝情百二關河落木橫猶有秦時明月在
秋風吹上受降城

落落幽懷志古香桑乾驅馬入咸陽茂陵玉盃知何處
賺得鳬鐘壓錦囊

君時收得周號叔大林鐘式與銘與阮氏積古齋所藏略同而稍輕惟鼓

右方作一鳬形此積古款識所未載也

聞受笙有淮上之游卻寄

春風迢遞木蘭舟醉脫蘭陵玉兔裘樓上燈光簾外月
夜深吹笛過揚州

羅浮蝴蝶歌

美人贈我羅浮繭，惠重南金將不腆。憶當珍筍浮珠江，
險歷千灘驚萬礪。癡龍深爪不敢奪，蛟客泣珠徒自覲。
筠籠謹貯敢褻視，時聽撲撲聲中轉。或教懸著中梁柱，
吹煦要候冷風善。一朝蛹躍鷲破殼，鴻荒乍判仙凡鍵。
縷金簇彩綺綯目，不悟并刀誰巧翦。欲飛不飛雙翅輕，
流霞溼帶扶桑熾。麻姑蒨袂拼尚薄，葛翁丹砂餐更軟。
舊稿翻新謝郎譜，新圖賺出滕王衍。有時漫舞入梨雲，
花蝶迷離兩不辨。知汝一生花裏活，萬紫千紅作花輦。
骨醉瓊蕤夜不歸，朦朧月映雙蛾淺。少婦紅閨貪曉夢，

經旬不放湘簾捲書窗眷昵比學友樓止奚疑庵碧蘚
塵寰小謫諒亦偶漆園曾化蘧蘧蛭貯之金屋噬肯畱
飼以黃葵庸當餞昔徐虹亭以羅浮繭貽朱竹垞及蝶出飼之黃葵花一飽開奩
任所往雲峯巖下歸雲捧迴憶天南丹鳳穴好逐春駒
下蘭坂殷勤傳語列仙儔待我蓬萊重洗琬

長夏病餘喜蓮岫開士自西山過訪賦贈 二首

翛然苾蒨侶遠跡海上村屐攜紫硯落衣染黃岡雲宿
言一揮塵清風浩盈軒幽鳥鳴午餘綠樹交陰繁新吟
出襟袖悃欵懷人言問我多衰病何時叩元關平生志
白業蹉跎老邱樊身隔水精域夢想蔚藍天安能激靈

隨載駐丹砂顏因風結遐軫窗下殘經緯

西岳青崖屢東嶺鬱嵒隋君隱中峰巔礪壑環嵩少白
雲不出戶萬木一蟬噪自非不染心安知靜者妙伊昔
策孤筇欲攬寰中要滄溟足下動層樓寄危眺煙昏塔
影餘風定鐘初報君歸莫相憶相憶無搖棹惟應深宵
月松際湛孤照

秧馬歌和半圭

插青村氓騎秧馬勸農使者乘驂驅農事悠悠官事稠
驂驅不來秧馬愁阿誰束縛兼桐楸送窮之船舁兩頭
不論高塍及下澤一一驅出同鳬鷗前者參軍後踈跼

況有擊鞞秧鼓促始看翻鞞水上飛一匹齧草一匹嘶
俄焉逐隊紛蔽野五花歷亂風鬣齊仰如箝欽勇赴敵
俯如束甲夜渡溪疾如公孫躍馬遂稱帝緩如諸葛流
馬憑樞機鳥耘象耕自古有曲解驪黃牝牡至此誠難
稽堯田日午燔如炙秧馬垂頭亦汗血馬足我足兩不
知歷塊過都同一蹶亦有紅顏婦青笠欹蓬首豈解墮
馬粧徒棘分秧手憶我初嫁時是事登車備青絲絡馬
頭紫絲作馬轡轉輪授綬多盤旋竭從東陌還西阡只
今市月罷膏沐遙聽秧歌聲似哭高田已龜坼低壟屢
通溝秧馬高懸君勿憂夫壻明朝去賣牛

半圭下榻西齋有詩見投賦此酬之

君居去予居望望東西阡中阻一衣帶野約橫溪煙我
飲源頭嶺君耕下潁田塵喧罕到耳不洗亦聰然時雨
旣以過秧鉞青芊眠幸得茅檐下落此一日閑栗里欣
素心至今思其賢風詩感伐木幽鳥鳴關關念子篤耕
養心苦道自全我有太古琴拂拭爲君彈泠泠松風來
相對各忘言

夏日遣懷次半圭銷夏唱和詩韻

顏唐那任百憂侵懷抱將灰未死心五夜夢回華表鶴
十年腸斷少原簪

子婦沒屈指已十有二載

香來藥鼎竹雙笑日落

滄江蟬一吟不有夫君相慰藉可容韶護託詩林

松靄大令以金原郡玉印見遺詩以酬之

先生遺我玉章一審知出自按出虎德何溫潤色何潔
山元水蒼蓋其伍良工巧奏昆吾銘繆篆鬱屈蛟螭舞
赤文四字兩行列金原郡印水銀畧粵自活羅締造來
幾見同文復偃武峩峩封爵崇郡望無論王公及貴主
大金國志公主府斯印縱橫厘方寸綵緌無煩丈二組
三以金源爲首磨礱圭角廉不剝豈麻達葛昔嘗撫
章宗嘗封金源郡王當其嗣
統頗尚文網羅鐘鼎彝尊俎要使完顏諸部落略識制
度比鄒魯陵夷晚祚恣荒宴帶礪金湯半鞶鼓七印明

昌過眼雲葫蘆珍祕歸何許天興墨淚運轉促崑岡旋

構幽蘭禍八百年來一刹那飄流幸追蟲沙數先生取

鎮郎君碑

大令嘗藏都統郎君碑爲金拓佳本

集古寧惟嘯堂譜碧霞瑪

瑙艾葉凍翡翠琉璃匣同貯煜然光豔照華梵玉蓮花

對曇花吐

大令尤精竺梵之學著悉曇奧論等書行世

一朝割寄灌園叟謂

堪提控都虞部

金二提控印及宋十都虞侯朱記並予文房所蓄

匹夫懷璧昔

所誠若若纍纍笑奚補火雲千里半天赤聽斷桔槔聲

仰俯感彼先賢霖雨心逝將調水黃龍府

時天久暎或謀重開平湖

虹橋暇故云

馮補亭哀詞

從來廉吏云有後食報何爲君獨否又聞積善致衆祥
豈期君轉罹百殃十年惡疾淹吳閭尚有鮑叔相扶將
今春困劇龍山鵬愴地呼天天亦瞽自挽不待九月霜
盡焚筆硯歸黃土幽魂唱到秋墳壤死法如君大可怪
莫言地下食無魚的是人間詩有祟

南塘秋泛

白露倚蒹葭橫塘半落霞浴鷗穿樹沒漫水過橋斜棹
穩菱初採風微稻欲花遙看一煙起知有釣人家

半歲

半歲嗟長病三秋骨暫蘇寒衣驚促織春酒負提壺析

上青山滿堦前白露塗夫容渺煙水何處問榮枯

晚景 二首

紅衣落盡渚蓮殘鵝鵝蘆花占碧灘畢竟秋光何處好
雲移塔影過漁竿

籬落秋花日腳明風前蛺蝶尚雙爭薄雷忽挾臯亭鼓
飛入臨平作雨聲

武林遇陳受笙卽贈

經時不見陳無己三竺山前雨乍晴秋賦有詞驚楚副
奚囊得句半秦聲偏憐八月乘槎客好在千秋汲古名
明日望湖樓上去與君把酒看潮生

臨平道中卽事

黃鶴山前山合圍，白楊谷口暮樵歸。
癡龍欲挾雷霆鬪，野鳥多啣柿栗飛。
鏡裏芙蓉秋意老，江頭魚菽歲租稀。
早知衰白無仙分，久逐邱丹臥翠微。

王稼洲文學枉過草堂卽別卻寄

水滿菰蘆風滿林，相逢相別太駸駸。
坐餘荀令香三接，欵闕劉郎酒一斟。
叢桂小山添韻藻，鴿原瘴雨愴人琴。
時聞令兄明府粵西之訃，新愁想寄雙溪月，玉杵長懸五夜砧。

九月八日偕花農受笙雪帆游龍山卽事二首兼

索受笙作圖

一徑入叢竹四山生晚香崖穿泉滴翠楓老寺迎霜落
雁迷雲塔歸樵話石梁勝游人預識明日是重陽
石壁窺精舍臨風各振衣堦前紅葉舞杖底碧雲飛節
物催時邁鐘聲度嶺微歸與陳正字泚筆畫依稀

常熟女史歸佩珊惜花小憩圖

二首

賣餠天氣曉風和綺陌初經社雨過莫怪林間成久立
惜花人少妒花多

謝家省識春風面柳絮才高怨亦深畢竟桃華生命好
周南傳咏到如今

十月二十日偶游扇里買得雙鳧請朝爲余覽換

之辰乃攜之泮江而放之并賦詩以眎家人

朝發南澗隈夕息西巖塢雙鳬弋者纂百錢姪女數貯
借鷺籠寬頓寄書生廡童稚覲簷隙快甚獲仙履竈妾
竊相謂何當飭賓俎余意獨慨然口腹實累汝申旦載
以出縱之蘆荻浦始舍猶洋洋脩鱗乍脫罟旣各鼓其
翼相矜亦相撫撇然汨深漩杳莫知去所微聞煙外櫓
如謝客良苦物我故同胞戒殺云自古矧余周甲來馬
齒十又五回思啣息恩終天恨奚補不如汎汎禽得生
仍傍母日月不可追勞薪等羈旅還歸對雞柵淚下忽
如雨

乾隆壬子余六十初度方舉一孫邵右庵徵士以
卞文瑜溪山秋色卷見遺且題詩云槎客先生
甲子周圖書堆滿拜經樓貽謀近得生孫喜寄
與溪山一卷秋後數年孫失而右庵之歸道山
亦已久矣每展是卷輟爲之心隱嘉慶丁卯冬
復得一孫屈指前事不覺十五寒暑念歲月以
如馳恨故人之不作詩以誌感并屬諸同志和
之
三首

邵平一卷贈吳蒙十五光陰小劫同粉本溪山無恙在
文章何處哭秋風

當年喜賀孫枝茁豈料如團掌上雲向使兒童躋志學
也能扶我拜君墳

遲來那敢問充閭庶使貽謀望不虛幾欲抽毫酬地下
淚痕猶漬子雲書

哭汪龍莊大令

夏駕峰頭日沈莽西陵渡口雲漲浦釀浦爲酒雲作絮
欲持醉君道脩阻嗟君弱齡藐孤子晝荻丸熊賢二母
業成擢第洎牽絲惠洽湘潭歌邵杜自憐祿入不逮養
中夜悲哀膺獨撫遂初早賦歸去來采采湘湖蓴滿滸
林泉嘯傲尋舊游我亦常參漁釣侶兩峰三竺六橋側

皆是品泉攜鶴所自從噩夢徵往夕十年不見劉遵父
公子重逢慘玉顏故人一別遂千古手澤縱橫尚滿家
上稽皇墳下箋詁我聞至孝多感召浮珍恪草援神數
語見孝經何當磨鏡踏江湖哭君雙節祠邊瑞芝隴
援神契

黃岡晚興

黃岡新阪路一片晚鐘聲鴨腳幾時老溪流如此清寒
鱗依密藻野火入空營青邱詩日落賴有梅花下村酤
醉易成

先兄安厝大旗山陽感懷示諸姪

二首

衡紀靡淹晷天地若洪爐生年不滿百奄忽歸虛無自

君厭世來十七歲云徂幼子猶未室良朋多邱墟素幃
一以撤白日不再舒所愧爲人弟碌碌徒全軀南榮非
北却脫有事艱虞巫咸不予告青烏詎良圖時還入其
室惟見琴與書音容儼若存荆枝半摧枯回思急難日
能不在原呼

靈輒威嚴駕哀音涕中闐問君將焉適冥漠空山陞丹
旆何飄飄素驂共長嘶荆榛梗荒途雨雪寒載霧渴葬
古不日敢塗計仍違所以孝子心五夜魂九馳一坏苟
未安終天恨奚辭我有盈卮酒聊佐挽郎詩伯通山下
泉會骸終何時

冬晚由吳山嶺至萬蒼覽鰲室作

青山不可窮，雲嶺滄波明。
煙島遠，肆列寒蕪際。天平脩
竹風，半偃藪藪時有聲。
前瞻若迷途，後倚蒼崖傾。
蕭條叢薄間，山梅弄孤馨。
短筇撥巖雪，小聽泉琤琤。
芳序俄已闕，曦轡無停征。
嚴飈入窮谷，冰樹敷繁英。
如何溪上樵，野火遺荒塋。
驚禽失其侶，載飛還載鳴。
顧彼空壘壘，春風人又耕。
荏苒百歲期，寂寞無令名。

自歲朝至人日，連得陳半圭、魏小洲、王貽青三君

寄詩喜而有作

以下戊辰

入春裁七日，探春得三詩。
故人憐我衰，到手屠蘇遲。
因

之以鼓孱賢於百千師出入懷袖間昕夕無停披覽若
摩尼珠光照濁水泥又如掇紅豆一咀千相思桃投意
良勤李報將奚施新歲百事新孰若詩更宜願惟自茲
往絡繹紛詩題廿四數花信三五猜燈期長牋兼矮幅
滿案堆琉璃豈如草堂叟獨憶高巴西

酬半圭雪牕校拙集偶成

一卷叢殘幾度芟斯文難甚勒燕然祇懷丁翼前言好
敢望揚雄後世傳風葉如塵勝迅掃春蠶到死自糾纏
空勞五夜寒燈下絕倒千金敝帚邊

雨夜武林舟中寄小洲

城北垂楊綠初齊城南華析烏欲棲晚雷又促花外棹
春水漸沒臺邊磯蒼苔落庭院幾家鎖白首故人多半非
來朝尚歇社公雨驕裘醉脫湖樓姬

哭素公

一葦西歸劫又塵雙峰蘭若涕霑巾凍髭剃後空餘像
雪竹枯來可再春白傳遺祠修洛社青瑤特筆記西神
快哉樓上繙經處總付三生未了因

壬戌秋嘗陪小峴
司寇游西山同素

公登快
哉樓

上巳後二日同半圭葑湖受笙集耕煙山館補脩
禊事卽席分得觴字

光風轉蘭蕙春日方載陽曦轡詎可追良時易參商山
翠尚依檻林花靜微揚新竹映淺渚綿羽流新簧百年
幾良覲抗懷齊彭殤惟茲坐中客澹與世相忘苟遵前
修軌寧辭後至觴延緣觀古今弱水浮輕航羲之希衛
尉王何崇老莊道德五千言清風異褰裳流連雲藻摘
尊俎含餘芳卮言忝翰末差愈不成章

松靄大令遺我元槧隸韻楮墨精好審其印記知
爲明趙寒山舊物率題古風一首

陳倉石鼓野火焚倉頡鳥跡隨浮雲雲陽獄具檻車急
大鳥落翮生八分賈魴滂喜昭帝漢陳畱中郎藝絕擅

麟鳳龜龍十體備交戟橫戈星日燦蛟鼉斫盡蟲魚愁
荒陵野廟啼鴂鷓鴣鴻都石經變點畫胡公棺冷淒葵邱
西嶽廟銘辯香寮東京樂石埋狐貉斷圭零璧歐趙括
什存一二遺七八婁氏雅欲討厥源郡陽續釋滋紛繁
惟茲輯香統以韻若珠貫珎鐘縣編以考漢隸誠精華
卷首有漢隸精華一卷揀金得寶披泥沙假借偏旁苟未會千里
詎免毫釐差先生捐愛我拜德審是有元規宋刻隄藥
點漆蔡倫滑不見古人鑑古色寒山高士親題止想其
摩挲陸卿子縹緗從此謹護藏絮語珠樓侍香史

東坡題鹽官絕句四首石刻頃杭人有於吳山上

濬溝得之石已斷泐不全簡莊學博購之以歸
俾藏竹下書堂并賦詩見眎余亦係長歌

大嶽仙人人中龍堂堂慶歷眞才雄一麾出佐山水郡
迴翔宦海嬉雲鴻鹽官部役時復到陽春有腳生清風
想從北寺至南寺

詩先北寺三首次南寺一首先後與集異

香臺幻出金芙

蓉一雞雙檜伴千佛要憑天眼窺天聰揮毫選韻出金
石風流照耀東海東何年刻置翠微頂幾經浩劫蘊沙
蟲不達好事勤物色斷圭零壁疇磨礱兩髯相距七百
載前于後喁精誠通載歸津逮亟眎我滄江夜月秋正
中詩成嘯傲驚四座甌椎響揚忙吳儂方之峴首語最

確淚墮寧獨襄陽紅先生遺愛被海甸謳歌尸祝圖眞
容君不見墨妙亭邊一片石龍場閩浦相追從東坡墨
妙亭殘
石王陽明黃石齋二公並嘗取琢爲硯英靈湖海歸浩氣蛆血亦化青天
虹畱得淋漓數行字千秋媲美觀表忠

成窰戲金蟋蟀盆歌爲花農作

一十四種戲金法金盆閃爍龜天龍官哥柴汝盡其下
深爪出目何猙雄起從中央周八角之而環衛王孫宮
王孫本自草間活那知顧盼同重瞳寶奩置頓綠蠅飮
仙露明珠湯沐供錦蓑束帶合眞相虎頭燕領驚凡庸
莎車部落凜敢犯塞門巖險憑螭螭當其一鼓盛作氣

先聲已挫將軍鋒侍威矜寵意自得矯尾厲角貪奇功
兩雄相阨底太急千軍壁上觀從容三周華不川嶽震
鼠肝蝦臂隨飛蓬伏尸方欲盥其腦戟牙俄已穿其胸
至尊含笑催賜錦黃羅帔覆香重重傳聞宣廟酷所愛
瞿瞿徧野歌兒童尚方制器尚繩武亦猶果廠雕魚鱗
客從金臺偶購得不異駿骨求燕中傳觀四座稱塵觀
大秀小秀知誰工大秀小秀明吳中鄒氏二女造懸蟬盆名貴當時君不見有
唐天寶全盛日宮闈多置黃金籠自從阿祿陷京國淋
鈴夜雨悽寒蛩後來秋壑亦成癖西泠禍水流無窮知
君畜此意有在梳粧樓謝脂粉紅旣不作狂呼踞地小

兒態亦不效鬪雞酒缸誇賓從要當雪溪如練映畫閣
雜置琴書彝鼎圭璧琮摩抄攬古發三歎欲挽元氣歸
黃農盡倩和之絕妙筆唐風圖罷還幽風

棲水道中

超山上晴旭晨風澹容與客行信孤榜泛泛同輕鳧蒼
葭遠際天野色交空無旋看孤嶼轉帶以長林疎茝
蘼隱見生計憐樵蘇霜降木未脫溪深魚有租借問采
菱子村醪何處沽

南塘道中感懷亡婦

七十春來來往情壻鄉何事不霑纓荒煙古戍城猶昨

碧海青天夢自驚
小別已歸千等劫
幾時教共百年塋
回思貰酒高樓夜
手拔荆釵爲我傾

夜宿弄珠樓下寄示蘭貞

三首

楓葉蘆花沒釣砵
難憑鸚鵡話無雙
夜瓢滿貯團欒月
聊載歸航慰玉窗

多才最是江東女
筆有靈犀墨未銷
可惜月明風靜夜

不同樓上見吹簫

壁間有雲間女史
姚珊賓題詩頗佳

珠簾碧樹皆秋色
白首重來信到難
烏鵲不知人意倦
又催殘月上回闌

過屈韜園紫華舫并以新刻吟稿分贈卽席二首

兼以志別

獨叩紫華舫因尋碧社書美人新繡虎學士舊銀魚

謂令

兄研林儀部

酒貫珠樓好蘭分楚佩餘還將酩酊意三載慰

離居

松菊寒逾靜雲林晚自深門停南浦棹書訊北風音

時初

聞蔣秋舫北闕捷音

玉漏鳴天籟金波悵別心虹橋他夜夢仙館

問來禽

晚自當湖至新篁里過叔未八瓢精舍

二首

野橋問鴛鴦晨棹撥鸚鵡繫纜橫湖湄卅里景方午冬
日楊寒暉幽篁隱樊園重尋仲蔚居不異輞川鳴水木

澹明瑟環以金石府不見太古人如坐太古宇意愜兩
忘言傾壺酌村酤徐聞淨相鐘迢迢隔煙浦

眷此一畝宮幽居樂何多高閣美嘉蔭閑庭竦仙柯林
塘霽雨餘徑蘚碧於莎無言剝啄稀好友惟羊何童稚
候簷隙浣女解清歌霜下木始脫農田告登禾送客蘆
塘外拍拍飛鴛鴦

拜經樓詩集續編卷之三

拜經樓詩集續編卷之四

起己巳春
盡辛未秋

海寧 吳 騫 槎客

試燈夕喜綠飲文學過訪

二首 以下己巳

九裘遐齡叟春王五夜燈暗塵隨杖屨華髮興飛騰酒
借銀花祝詩憑玉漏增素娥尤好客先破早梅冰
金吾不禁夕白雪願豐謠裏藥存吳質烹葵及鮑昭長
恩祠晚歲脈望載仙橈卻喜傳柑會偏歸十二橋

清明日同簡莊閒步洮水埭

煙繞粉榆一帶斜青青楊柳半橋遮晴川日暖浮丁子
壞壁蜂開放午衙入寺繙經僧漸熟歸途取醉酒頻賒

百年易過吹簫節緩緩聊歌陌上花

郭溪經蘇伯衡先生墓下復與受笙別

離離煙中麥青青繞陵陂斜暉愴蕭照鳴鳥催春歸
回風忽翩翩花落芳林稀華表鶴未來女蘿深幽扉往者
不可作生兮奚所施榮瘁理固然孰能燭其微相與藉
草坐莫惜清觴揮滓江動我前弱絮絮緣流飛素絲悲路
岐白頭守漁磯安得如飛絮纏綿在君衣

查初白先生蘆塘放鴨第二圖

二首

貌得蘆塘第二圖依然雲影接天孤年征不到堂堂稅
生計還憑呶呶呼一夜沙碕風又起三秋華表鶴歸無

閑情剩有花邊

地

棹時曬漁蓑到日晡

綠玉綸竿碧葦叢
龍山望裏更籠從
荒村孰寄雙罌酒
短鬢長吹一笛風
曉散鳬翁喧水柵
暮歸月姊伴詩筒
畫師會得先生意
不補樵青兩頰紅

燈下讀查葑湖雜著卽題其後并寄龍山諸舊好

東南諸山記
白雲儔侶傳

天孫雲錦不可縫
散布六合光熊羆
卷舒倏歟隨長虹
時乎飄轉蓬萊東
蓬萊仙姝絳霞宮
攬雲結佩神明通
五銖爲衣繡羅重
左顧右盼澄冶容
笑指洪鑪昭化工
臨風搏作青芙蓉
九十九朵翠龍蔥
朵朵活現龍山龍

手弄木言生
胚胎元自卍角翁

初白先生

花邊呼鴨菱蘆叢麒麟在藪鳳

在籠天馬躑躅噴花鬃美人幽谷心獨恫含毫渺然思
無窮梓里羣材數璧琮家山礪壑搜冥蒙柳州小記萬
象供汝南月旦無雷同我不能言疾疢攻東風細雨眠
孤篷夢寐依稀數子逢千峯攜手高龍從醉吸滄溟潮
蕩胸猶能歷歷設萍蹤燕南趙北幾改蟲東飛伯趙西
飛鴻矧余白髮尤稷稷一編開闔疎燈紅無琴何以寫
離悰溪水濺濺鳴小桐

送受笙北游戲作俳諧體

漠漠柳綿吹不休悠悠雲水沒似秋青山對我索詩債

白髮畏人談遠游古驛花明紅躑躅
長途書載玉驂騑
元龍豪氣知猶昨擊筑悲歌到薊邱

海鄉口號 二首

鄉里兒童青袴襦
棟花風裏弄縑車
偶然赤腳過橋去
捉得新塘箸觔魚

風風雨雨晴復陰
弄潮兒女識潮心
龍王廟下停三板
讓曬鰲魚背上金

休寧祖祠舊藏瓷權一相傳
左臺夫人畱遺葢
唐時物也敬成一絕

徐庾風裁枉擅名
秦權篆刻更縱橫
儂家自有中興格

不與昭容較重輕

偶展美人香草圖感賦

綠遍芳洲杜若春
寧來誰與寄臨津
朱顏畫裏應長好
老卻人間讀畫人

陳景辰深山讀書圖

讀書長苦深入山
長苦淺緬惟賢偶
流窮年事編簡六
籍導其源百氏派
滋演用志苟不分
榮辱理可遣君也
味經腴夙昔臥荆
嶽嫵嫵在庭戶宛
委任舒卷君章國
岳傳獲視騷與選
旣謝簪塵喧勇下
百城鍵不見君陽
叟遁跡安孤蹇台
鼎詎弗榮用晦道
自顯至今紬易處

清風泠然善我生慕游學夢逐蝶化蘭安得復擔囊結
庵鄰碧鮮

夏日讀老氏書 二首

元元曲仁產指樹姓垂譜職司守藏室卓爲青史祖是
時周已衰深藏志良賈間關問禮餘猗惟我宣父見首
不見尾猶龍乘風雨掉頭西出關身跨青犢豈期關
尹子望氣已知處盍畱且著書用以詔千古終南一草
樓煙霞互吞吐纏纏五千言混沌見端緒後此設元虛
決裂滋莽鹵申韓雜黃老出奴而入主陵夷及暴秦且
欲殘鄒魯金壺汁久瀝孰爲印心腑吾道大路然日月

安可侮咄哉堯母尊擊彘將焉補

吾觀上下經其言達且醇清澗尚無爲沒泊唯貪嗔戮
文仰贊畫軒誥資彌綸大可苞宇宙細不遺纖塵無或
搖爾精慎勿擾而神谷神苟不死何分菌與椿頗疑腐
遷流先老後獲麟抑人亦有言枝葉于本身

唐李約

伊子

老廢學與義何由信況覽周王傳孰若道德真涼颺天
末至逍遙北牕晨賴有蜀莊流指歸導迷津

嚴君平道德指歸頌

鈔得唐谷神子
馮廓注本尤佳

酬屈韜園述舊寄懷之作

珍重雙魚手自開金風吹得紫華來築堤敢擬淮徐障

子舊議開平湖虹橋堰事
來詩謬以梁康絢爲比
摘豔元輪屈宋才
汶浦回橈
寒趁雁珠樓遲友夜停杯
昨秋輟園畱飲
遲瘦山不至
由來松竹符
深契莫問同岑與異落

十五夜泮江舟中觀月蝕作歌

泮江塘口泂輕艫清光頓失孤嶼孤漁翁敲火燃楚竹
沙鴝唼噍驚羣呼西家不見塵泥珠象罔索遍東海枯
云有娛墓竊相賊手無蕭斧孰爾屠金波下上競一綫
欲吐不吐何爲乎誰邀列缺追亡逋萬象顛倒山與湖
天孫冷落雲錦片女媧亟煉青珊瑚素娥逝魄亮未遠
珠淚乍迸方諸躔徒聞鼙鼓賊震耳譬彼蜺臂橫當車

地下小臣蟻蝨賤命懸磨蝎身泥途叩頭不惜天柱觸
金鏡請刮青瞳膜不然卽遣燭龍下照灼十萬塵中區
母使窺燈更鑿壁青脣有婦嗤其夫玉川笑勸君且無
天經歷緯元非疎更也有時人共仰曷不小弭楫依蒲
茅柴正熟誇當鱸斫鱸恰得松江鱸烏飛兔蹶任變幻
叩舷聊復歌烏烏醒看依舊一輪滿秋雪疊浪銀花鋪

張解元胎高麗筆

毫色微類
鹿毛所成

美人遺我青麟管云是皇華星使伴
免冠拂拭神乍怡
鴨綠江流恍初浣
簪翦凌雲一寸心
毫拔中山千兔腕
秀中澤外剛兼柔
墨花未灑鋒先展
名高虎僕洵無愧

頭禿斑龍寧爾譴

王隱筆銘調利難禿亦有鹿毛

自供箕子演九疇逮

佐朱蒙國衛滿徐

兢鄭麟趾

載紀筆削嚴辛王正閏陽

秋辨太守元菟歸版圖小姑微雨昭靈顯青山一髮過

琉球幸脫腥涎飽蛟鬻苟教重譯恪獻琛方物不遺王

會典珊瑚高格待渠架風月先驅蠅蚋殄

高麗墨有日翰林風月蒼

蠅畏食新羅墨

檢書臺須昔共攜玉局風流緬未遠

昔仲魚以朴檢書齊

家高麗臺須笠見胎製極精雅子轉贈小峴司寇司寇即戴游紫微山映人縱觀至今傳爲佳話

豈知

壯武情更殷愛割清儀慰衰晚徐福行時書未焚海外

遺經指可纂猩猩身後五車書脈望仙餘笑人懶炳燭

分陰尚可靳閉門試草三千卷

簡莊自吳中購得宋施諤淳祐臨安志舊鈔本六

卷賦詩見寄卽次元韻

鳳舞龍飛詎足誇錢塘遺事失宮娃天教南渡支殘局
人想東京續夢華朱鳥歌成空有淚冬青種後已無家
與君鼎足藏三志天水猶懸碧海涯

卷合此爲臨
安三志云

子舊藏乾道志三
卷咸淳志九十五

臘杪喜蓮師見過卽送還西山 二首

殘雪滿村徑寒雲連釣灣何期梅花衲遠叩竹林關一
鉢終年苦雙峯鎮日閑石門文字語偏許慰衰顏
素公久云寂顧氏有荒臺爾向中峯住蓮花幾度開清

溪會聽虎碧海任浮杯歸去西林下松風晚似雷

西簾落成卽事

四首

堂成敢擬浣花村歲晚聊安老病身何必畫門添鬱壘
也須祭竈請比鄰百年遺澤元非遠萬卷藏書肯厭貧
況是玉梅三九候巡檐索笑待元春

明年元
日立春

版築剛逢大有年秧歌是處樂農田牆低不碍桑麻長
市遠偏于酒醕便爲黍殺雞尋舊約買牛賣劍學前賢
傷人若比揚雄宅車馬敲門定不延

破費經營累月閑般泥運水不辭艱樹頭漸露支雲屋
檻外忽來何處山海舶乘潮如燕過巢鳩知雨挾雛還

若教寫入丹青志不似荆家便是關

人說桐溪似剡溪西簑更在小橋西地爐松火竈安放

庫露詩牌要整齊

皮襲美有庫露真詩

雪後山光雙馬耳年來吾

道一醺雞君看廣厦連雲處何似鷓鴣自在棲

哀蘭絕句十九首

生長深閨十九春明珠一斛聘來新扁舟載得如龍女

不數春江打槳人

姬以嘉慶己未秋歸子年一十有九

天女維摩不離禪金徽忽斷十三絃一篇小傳書梁鵲

佳話真堪沒世傳

子昔誤徐姬小傳引東坡天女維摩爲喻梁山舟學士爲手書于冊姬得

之什襲珍弄焉姬在子家十三寒暑矣

不惜芳華別故邱，眞同神女弄珠游。重衾幽夢從今斷，

可勝他年泣燕樓。

姬恒切故鄉之念病中猶相約明春同游弄珠樓孰知竟成虛願

大羅天上謫仙人，月地雲堦度幾春。君自已超千劫外，

憐予猶是夢中身。

姬家在德藏寺側幼日手植一梅花時高出牆外與寺前雙珠塔比豔逮

姬出嫁梅亦旋殞

當年一舸逐滄浪，攀得蘇臺柳萬行。遮莫春風欺薄袂，

銅溝玉檻弔夷光。

庚申春暮嘗同游吳中歷覽諸名勝時姬方抱疾不以登頓爲勞也

薄靄輕煙渡五湖，三高祠下隋帆孤。歸來已是蠶眠候，

陌上攜筐奈日晡。

中酒阻風緣底事不如歸去看蠶眠姬在吳中和子句也極爲包山女史

胡氏道順所賞見題珠樓小影詩

采得菰絲滑似落垂虹春水綠滌洞傳真賴有楊無補
爲寫驚鴻照影來

舟過松陵屬楊公子雨盈爲姬懸擬一像觀之惟肖對臨未必爾也

破楚門前半落英桃花臨畔惜傾城蘇州刺史尤風雅

無雨天時愛不晴

善化唐陶山刺史曾築唐六如祠於桃花鳴子以秋香小像胎之大喜姬

有無雨不晴天之句故陶山題子細雨東風冊云無雨不晴天更好載將春色過江不

貌取真真倩隱孌高情尤慕女黃香誰知後約成虛願

說與鶯花總斷腸

荆溪孝女黃香永嘗倩同邑女史簪芝田爲姬寫小照香水詩云曾從畫

裏見書仙姑射肌膚玉雪妍何日相思能遂約春風同泛畫溪煙

虎山橋外狎輕鷗香雪偏教阻石尤此日披圖尋鄧尉

芳魂應已到羅浮

憶昔同泛石湖抵虎山橋欲訪香雪海以風阻不果悵焉若失昨歲忽購

得徐侯齋先生書畫鄧尉十景冊姬一見如
倩夙願日夕披對以當臥游并署名于跋後

對客揮毫墨未乾空花幻影恨漫漫誤渠轉憶西神語

可惜名蘭不夢蘭

小峴少寇見珠樓小影立成二斷句
書其後每相見輒詢蘭姬有徵蘭之

否

節義尤欽院本傳燈前月下墨猶研荆釵不負簪花筆

妖夢何從到玉蓮

院本有荆釵記姬讀而愛之手為傳
錄未及半忽夢一麗姝墜于淵驚而

寤自是遂
絕筆矣

十載寒燈夜不眠松楸望斷阿誰邊泉臺此去差堪慰

負土還追孝女阡

姬平居聞吾母程太孺人卜葬外祖
父母于羅漢灣人至今稱孝女阡心

竊慕之昨冬遂出累年紡紉之餘買地平湖城南為祖
父母父母兄累代營葬畢慨然曰庶幾可對先人于地

乎下

三旬設悅歡猶昨香滿金泥簇蝶裙妾壽不如君壽好

微言堪感玉晨君

去秋姬三十初度予舉觴祝之姬笑曰妾壽不如君壽好予爲之默然蓋

姬平居長默禱于神前願減已壽以益衰齡此實由中所發也

鍼樓一閉已黃昏識叶龍蛇莫更論若向稠桑呼妙子

先憑靈鵲問天孫

橫山女史張貽令與姬夙相知契今秋以產歿子挽詩有而今盼斷稠桑

驛不見鍼神乞巧樓之句若爲預識然

不問朝雲幾歲時披圖惟見少游詩京華鵲水三千里

空倚烏絲泣鬢絲

姬喜作小楷每讀唐詩輒以烏絲闌寫之錫山少寇題珠樓小影詩云想

得弄珠樓上坐春風鬢影寫烏絲

上窮碧落下黃泉如逐東風散曉煙欲攬音容無一夢

何緣重結再生緣

姬疾亟時猶作他生報德之語

萬雪鱗鱗瘞玉棺雖非同穴也同阡望夫山下盟言在

高士湖頭好墓田

予築生壙在永安湖萬蒼山萬雪山房乃丙舍之名也姬嘗指梅花深處

笑曰是間大可置一席

漫向存亡苦自傷傷心知閱幾流光依稀記得山陰語

回首蒲龕一炷香

姬臨危神色不亂惟誠侍者勿言已疾劇以傷主心年來妄念消除盡同

首蒲龕一炷香放翁遣懷詩也

再哭蘭貞

一寸相思百寸灰巫咸乍肯下陽臺生無子女誰爲慟

死有靈香定解回遺稿轉從焚後惜嫁衣忍向篋中開
祇今惟有虹橋水曾結紅冰送夜來

元夕喜查南廬見過卽席

二首以庚午

斫地酣歌追昔年天涯游劬還歸田有才如子眞可惜
無酒酤我亦欣然玉漏忍辜滄海月綈袍曾泣宋西煙
東山絲竹今何在祇有梅花帶雪眠

人生四十曰強仕君獨何爲頻不試青鬃駿馬皮骨存
黑貂之裘俄已弊豈是蛾眉難入宮或緣時世崇高髡
珍重尊前白雪懷教聽北里笙歌沸

施少峯涉江采芙蓉照

初日曜林垌亭亭發江澁抱此冰玉心采采將誰慰常
恐涼風來芳華一朝瘁美人千里道煙波愴搖曳飄然
漁笛聲何限滄浪意朝采夫容花夕采夫容蒂不如雙
鯉魚長寄加餐食

碧窗女史畫蛺蝶圖遺蹟

花光蝶影兩娉嬾百歲人生一逋客內史昔寫么鳳真
栩栩仙姿碧鮮匹金谷風淒夢乍闌零香剩粉人爭惜
好張玉殿珍珠網莫教飛破滕王壁

過拙巢感懷先兄二絕

春入池塘草又滋廿年風雨泣聯枝不知貞白今安在

空有遺香感夢思

兄歿後室有香氣經月始息昔陶宏景卒有異香氣氤累日見南史

碌碌全生自笑頑風前荆樹幾枝殘會骸山下尋兄弟

黃土何時始蓋棺

仲兄石齋先生墓在西邵灣兄厝大旗山子治生墳于萬蒼山皆不出金

牛洞數里而兄猶未安窆窆

湯山林烈婦詩

烈婦林氏乍浦人嫁顧大子顧三父子故無賴

大妻土倡也常虐烈婦欲污其行堅不從日夕

笞楚之且加以炮烙而死既棺殮鄰人發其事

遂抵大罪死獄中烈婦死時年二十三同里陳

謨爲作傳武康徐熊飛屢過湯山訪其墓

鬼車瀝血叫九頭一頭不血神鬼愁楓青月黑風颼颼
妖狐環伺夜叉咻妾命欲畱安得畱人思寢皮肉爲臙
慈烏豈知有姑惡前刀碓後鼎鑊炮妾魂烙妾魄妾心
不變眞頑石南山南北山北生女如此兮不如棄路側
君不見寒濤嚼盡湯山根海枯石爛冤聲吞唯有南州
徐孺子寒食年年弔墓門

遣婢

主生婢有託主死婢焉依譬彼失林鳥顧影傷孤羈不
惜毛羽摧況乃渴與飢主恩千金重婢身一草微卷施
拔其心那得根猶肥寧難掩茆屋再拜辭空幃悲風從

中來如聞三歎歛收取舊花鈿莫教明鏡虧去馬思故
皐驚鱗憶故磯吞聲復吞聲淚落霑裳衣

自落星庵經吳山嶺至紫雲村

落星祠黃石杜曲崇岡同谷口問籃輿幾里青崔嵬陰
森石門路日晚嵐始開天光一罅通下上雲濤堆不知
誰家墓積雨深莓苔是時春氣舒殘雪映早梅行行遵
枉渚野寺連山隈昏鐘引樵唱相與成依徊在山泉水
清半嶺松風哀冥然值田叟已醉林間杯

萬蒼山暮歸宿談仙嶺下有感

春溪背孤嶺山月入舟小羣歷晚煙平時聞礪中鳥客

懷鳥未知鳥語客豈了羣動各有情歡樂非長保結髮
念平生薜蘿委中道美人黃土矣萬古一荒草薌澤遺
空闌塵榻無人掃夢斷悲風來長夜漫漫浩浩早知其命
禽比翼難終老不如隨景升酩酊游蓬島

過惠力寺贈桂山上人時新參紫微講席

戶外雙峯映碧流層層鐘磬法堂幽白公遺祀修長慶
素老傳衣念少游往事易成花雨劫春風又繫紫微舟
天開樓上浮圖好試與攀雲問斗牛

戲作桐溪賽會詩

二首

動地春聲般若雷一條翠帶萬花開珊瑚村口新旗仗

恍似龍王嫁女回

繖蓋威儀得意春煌煌冠服借來新兒童相顧竊相語
卽是前年坐飯人

臨平

臨平朝雨散稠疊遠山交野水人呼渡深林鳥定巢櫻
桃垂戶熟雲子帶香抄側帽橋邊客春歸恨未拋

示瑛孫

昔在鄴中才弱齡能攻文登臺賦銅雀卓犖致不羣爲
學須及時用志貴不分爾齒雖未齟夙夜如殷殷花下
弄圖史燈前窺皇墳塗字若老雅潑墨濡衣幘前年阿

母喪晨號每逮曠遂令王脩社慨惻傳榆枌性根本自
天豈藉斧與斤庶幾蕙蘭叢勿爲蕭艾薰汝祖何所有
皓首芸窗芸爵位早不綰身隱將焉云丹鉛十萬卷聊
足貽羊欣兒孫自有福積善忝昔聞曷哉愼母荒穠蓂
勤菑耘

元葉李詩兒孫自有兒
孫福與儂報國須勤耕

予築西籜簡莊徵君製富春軒額見贈詩以酬之
白頭重築溪上屋山色溪光日繚繞顏軒自擬曰富春
扁舟恍機嚴陵道憶昔吾家澈如叟荆關妙蹟殫幽討
千金購致大癡卷名士爭誇畫苑寶雲起高樓半入雲
富春軒裏浮嵐曉香光斂袂未及題逸麟奮筆煙雲掃

荆溪吳澈如光祿嘗得子久富春山居圖藏于富春軒
一時名士如董文敏屢從借臨鄒臣虎每見輒爲之跋
見樸園讀畫錄此額亦虎臣所書逸麟其自署也時移世異神物失破壁飛龍

騰夭矯精摹賴有石天長潑墨流遺蔭目飽

予所藏富春圖乃明

沈朗倩追摹澈如舊卷長三丈餘亦中郎之虎賁也

美人製贈意何厚白勝銀鈎

長鬣抱牽蘿正補屋霑隙七里清風動簷篠千峯入戶
元舊識況有桐君青未了四壁林巒宗少文五月羊裘
漢莊老東臺西臺兩戔戔釣師莫問餌與表故人昔日
作天子千古雲臺一荒草不如喚渡隔江去滿斛量魚
醉清醪朝來睡足日數竿枕上猶聞畫眉鳥

夜夢登吳山遇亡友宋茗香助教贈之以詩覺而

僅記二句因足成之

積翠迢遙入杳冥金風蕭瑟木初零蓬萊舊侶欣無恙
詩酒情懷尚典型花泛清溪尋落蒂琴調仙館悟殘形
曲終揖我飄然去笑指前峰幾處青

朱蔚齋明府招集山靜日長齋同儲靜齋任澧塘
周滿塘申蕉庵潘迂雲吳鞠畦儲紀堂卽席分
韻得山字兼以志別

一時筇屐許追攀不斷溪聲盡日閑玉女傾紅仙洞酒
銅官撲翠郭門山千秋洛社人如畫九日陶家菊自斑
歸去桐鄉逢父老相思應話使君顏

蔚齋昔爲吾浙
石門令有循聲

溪巖舟夜感懷寄月珠樓

蝦虎城荒宵柝沉寥寥孤客此時心憐渠一片高樓月
也照哀蘭淚滿襟

乾元洞外

仙臺霧中出秋樹翳蒙茸清泉齧其根清冷來中峰蒼
蒼石門晦跛步悵莫窮仰睇一綫天倒植千夫容碧淙
斷復滴丹砂暖潛融琤琤合雅奏律中黃鐘宮造化衷
靈秀變幻神鬼工緬當太古初位置煩心胸七星在北
牖白雲長年封安得穿月脅曠攬松喬風卻顧負苓者
鳥道同梯空

柿庵招同陳春浦楊穎少蘭谷集半舫和穎少韻
六載雲溪悵別天三秋一壑又風煙柳枝無改蘇臺韻
予昔賦蘇臺柳枝詞皆辱垂和而香冰作尤爲藝林膾炙 籬菊欣逢半舫筵鮑靚舅
甥皆絕學劉綱夫婦本神仙卻憐白髮桑榆客猶是殷
勤問後緣

澧塘見其孫喬林戲贈

衡門稚子璠瑜器爾日文孫洵與同莫道豐干解饒舌
試問蜀山長帽翁

冬日獨登虎邱寺遊眺

三首

曉日劒池出四山風正號霜楓交掩映龍象肅清高拾

橡雙猿健懸崖七級牢會心飛鳥外吳楚一秋毫

有美同吟眺回頭增歎吁竹香迷翠袖花雨浥羅襦

下經猶在閨中日又徂愁泉不可汲清淚灑蘼蕪

壬戌春嘗

挈徐姬遊此

可但王珣宅秋殘草樹荒鹿麋遊故苑歌吹絕橫塘
劍氣連山白江流背日黃春秋多特筆元不到夷光

題衡門惜別圖分得爲字

客似閑鷗主是誰圖成主客任張爲菊憐借舫秋逾澹
人笑乘槎老更癡發興煙霞千里探逢場竿木一身隨
玉山雅會從頭數莫遣烏飛兔走知

墨陽旅館喜張澈里過訪招同黃柿庵歎語連夕

別後寄懷 二首

藉甚張夫子明時獨抱經
花開春酒淥門對國山青
博物千秋志深設五夜星
任公臺下路惜別悔揚舲
六載紛離緒茲言洽唱酬
不辜湄隱月又醉碧鮮秋
江夏無雙士南陽有四愁
還思少遊語作者是吾州

春浦蘭谷攜酒追送東溪口占志別

折柳離亭外翛然二妙偕
涼颺催客櫓霜葉醉秋厓
蛟渚應長望龍淵詎久埋
相期崇令德時寄北風懷

過吳趨訪潘榕臯農部於三松堂共設元脩服食

之略別後卻寄

竹杖芒屨汗漫遊，猶煩握手問元脩。
青山看弈樵柯爛，碧洞求丹玉樹秋。
函谷經疏懷柱史，吳門仙隱識君侯。
何時再到三松下，咏雪同披鶴氅裘。

重至荆南諸名士羣集澹和堂畱連款洽并屬家
菊畦寫衡門惜別圖贈行率句寄酬

小別漳南乍六年，離羣村北釣臺邊。
吳船雖有書長寄，越樹何時夢不牽。
卻喜容顏俱好在，可知良會總前緣。
他時若遇披圖客，或恐翻疑是散仙。

早春喜馬愚庵過訪

四首
以
下半未

市歲相思抵九秋探春先放剡溪舟懷中冰雪騷人句
好揭西簷百尺樓

橫湖風物比桐廬釣得銀鱗尺半餘要識美人珍重意

瓜刀長與鎮文書

橫湖產美鯽累蒙見餉

韓鄂聯枝足唱酬由來樂志在林邱春風款段東郊路
芳草還思馬少遊

卿孃豈必非人世靈鷲何妨作羽陵他日重逢阮宣子

與君同獻佛前燈

子嘗與思庵訂每歲九秋約同志集靈隱書藏爲曝書會以踵成雲臺中

丞創始之意按西湖有書藏坊自宋錢倫弔父居九里松東坡爲題榜曰錢氏書藏見武林紀事

西簷晚興

溪梅半搖落山樓對遙岑滄波千里迴雲外天光深渺
渺沙際帆出沒煙中禽靈長無盡處積氣成古今樽桑
緬睇髮弭節投陽林祇今松喬侶孰致瑤華音蒼蒼遠
樹浮天風颯披襟佳期坐超忽寒月生孤琴

閏三月四日宿雨初霽偕半圭遊黃岡廣福寺過

桂林上人房卽興

四首

疎磬引孤篷黃岡小墅東紅牆通野約傑閣數雲鴻僧
演六朝法泉喧萬木叢始知塵境外花雨夜無窮

恰喜三春閏重過祓禊天祈蠶人賽鼓擇樹鳥鳴絃塾
廢仍新坂書流記昔賢

南史顧越傳所居新取黃岡世
有鄉校元周伯琦築書黃岡書

院額今尚懸 如何劉越石 江海滯流年

謂劉文成也

尋芳端有約 步屨贊公房 文梓千章合 風幡一坐香 須
麋驚我晚 烏兔爲誰忙 相對忘言久 松花滿石牀

現北探幽逕 庭陰未日斜 容非虎溪侶 且喫趙州茶 古

碣多無字 恒河剩有沙 好思臨別語 莫遣後期賒

上人
有重

過看梓
花之訂

喜朱蔚齋明府過訪 招同半圭吟香集 富春軒卽

事 三首

萬事不相涉 一官欣已拋 抽身便雲壑 撥棹問江郊 昔

記花藏縣 今看鳥定巢 野人何以獻 春酒酌陶匏

一辭花浪闊是處錦囊攜載石渡炎海看山到浙西丹
心餘白髮碧礪杖青藜惟有先生柳歸來夢不迷
蘭臺饒雅聚珠敦忝長陪此際尊前客他時洛下才高
吟聯石鼎博古醉雲壘不覺分襟處春潮半夜來

題毘陵楊穎少行卷 二首

我懷南仲好吟館寄荆顏自得三唐益誰能片語刪和
鳴笙共協樂意鳥相關千載鹿門隱高風尚可攀

右磊軒詩鈔

靜拈餐玉句頓使俗塵捐雅足追湖海清宜配小眠紅
樓春按拍碧洞晚遊仙彷彿驂丹鳳吹簫徬紫煙

右餐玉詞

八月十四夜奉陪小峴司寇同人重集紫微山院

卽席 二首

兩岸莓苔夕翠增，雙峰蘭若更峻嶒。夫容閣上開仙掌，
師子林中見塔燈。玉帶重參金粟坐，銀蟾蚤挂碧雲層。
習池父老爭誇說，記得山公倒載曾。

十載離襟僂指遷，白公祠下重開筵。還將嘉慶追長慶，
可定前賢勝後賢。題字旋看珠斗映，扇紈先抱玉輪圓。
時以詩扇見詒何當便趁鵲湖水，載酒長隨賀監船。

同程山人蓮岫開士上後園山腳

舊稱桃原著雨

杜陵樹雞柵時亦見宗武山腳後園開幽壑枕其股鬣
屬當層軒間以花竹輔暗泉滢琤瑋怪石立四五孤峰
瞰林罅天矯瘦蛟舞所慮松濤掀青冥遂霞舉咫尺不
可攀遙遙塔鈴語桃原非人世雞犬自爲侶憶當暮春
初白雲迷處所狼籍勾漏砂一臨桃花雨欹枕小遊仙
孰知今與古

擬唐人楊柳枝詞

門前流水何滂滂落日未落天寓黃倚空樓閣煙幕歷
隔岸小艇鳴漁榔獨有東風太無賴倡條冶葉不成狂
擬關山月

關山月何歆傾涼風吹上受降城兩頭纖纖不肯平萬
里黃沙千里營刁斗欲動馬不鳴壯士毬門按劒舞旌
頭高落天狗驚自從都尉降北國邊花邊草無顏色中
原喪亂幾時休董卓曹瞞皆漢賊羽檄縱橫夜徵兵隴
頭流水多鳴咽亦有征人仰面看欲附歸鴻無羽翮卷
葉吹作胡笳聲腸斷文姬十八拍

蘭貞大祥

寒暑遞遷易倏忽云再期傷哉彼姝子夙昔情依依素
幃一以撤千載寧復施音容日已微如彼殘月輝攬之
不盈懷團纈更何時遺挂素壁間流塵黯蛛絲時還理

故篋顛倒裳與衣曰施非所忍畱爾將誰貽海風激中
宵枯桑鳴空枝安得回春夢重訴白頭悲

水芝麻酬陳春浦寄餉

出江南
南陵縣

庾郎三九舊朋儔鄭重陳登惡遠投西石亭前封密密
南陵水面采悠悠飯兼雲子抄仍白香竝胡麻滑更柔
恰配漁鄉風味好烏菱赤芡酒新篘

桐鉞

蕭蕭楓葉下山空夜來雨秋水碧添痕夕陽憺無語

九日偕小洲吳山登高

年時勝地闕攀躋目極荒臺此杖藜三折煙江潮上下

千盤霞嶺路東西紅萸飲散青衣洞名冷白雁飛連絳葉
齊試話牛山當日事莫教吟苦帽簷低

臯亭觀紅葉戲作短歌

東新關外孤舟客曾泛桃花浪三尺天公忽共青女戲
萬落千村俱六赤初意陸渾山燄烈燒殘楚壁沈沙戟
珊瑚火齊盡上天翦綃貼翠晶光射山靈遙拜赤帝封
軒鼎還丹鑄猩魄天孫終夕理七襄凌亂錦機不成匹
豈知雅舅已賜緋小大楓人齊受職河堤使者絳幘翁
千里旌旗借顏色惟恐封姨掃地至金溝恨水悽幽咽
亦有停車坐看者尚疑春去花狼籍故知空色總幻相

何許長畱雪泥迹不如日夕醉流霞多買胭脂填畫格
小洲出示東城八景詩冊題後

東城垂著錄初自樊榭叟後此三數公相繼卜河蕪耦
耕逃世榮八家共井臼勞歌互相答無米且謀酒流風
數未艾官渺落君手屋角兩重山門前五株柳九日醉
茱萸歡言對萊婦寫入畫圖間何如輞川口

姪 昂駒
衡照 同校

拜經樓詩集續編卷四

拜經樓詩集再續編

海寧 吳

中華書局上海
編輯部
藏書
鑒客

松靄大令偶檢篋笥得予平日投贈書尺凡七百
三十餘通詩二百五十餘首合計殆不下千紙
書來備述之心感其意率酬一律

以下
王中

八十年來千紙書深慙精力比何如周侯自重情無限
吳質端因病有餘豈必夜航頻附酒祇憐尺素累烹魚
雪泥鴻爪陳陳跡聊伴曇華儼佛車

曇華館松靄
著書之所

劉瑞圃南礪訪僧圖

言訪高僧廬迢迢問南礪青芝森秀樾及此時未晏前

峰互虧蔽半嶺出蔥蒨嵯嵯百重泉雲際來一綫下合
九溪流白石冷冰霰松門半未啟虎跡蹊交見遠公吾
故人夙昔情彌眷一自南遊來七見星霜換茗柯得真
長世說劉眞長茗柯有實理讀者多不解
余疑茗柯蓋茗打之譌茗柯卽酩酊也微吟叶元贊
卽有巖下逢妙喻拈花案何當偕擔簦不辭蓮社遠三
笑度溪橋爲圖法懶瓚寒石上人嘗屬余作詠
歸圖迄今諾責未償也

周藕塘薰風入抱圖

平生慕眞隱懿彼江左賢伯仁尤儻蕩氣若方春蘭芳
芬挹懷袖高情薄雲間尤樂山澤遊千里長命駕南窮
台宕奇累月不能罷清吟盈奚囊彷彿石門謝歸來臥

雲壑跡靜心逾曠濁酒斟酌之中有春盎盎醉理南熏
絃樂在羲皇上君本君子德我如河畔草丹青宛見之
縣縣在遠道安得長披拂相思以終老

正月二十日同集紫微山白公祠修春祀是日爲
公降誕之辰禮成卽席有賦兼寄錫山少寇

紫微山高青巘屹紫微人去何時還千秋俎豆一朝理
落燈已落梅未殘三間古祠拓翠壁半巖笙磬鏘神絃
雲車風馬颯肆集紅闌碧檻排歌船西湖爾日翻冷落
兩硤有事還思賢人心不死譬野草春風依舊生古原
東望逋翁臺咫尺幽吟想見常牽攀百丈蚪松煙鶴舞

七級珠塔天龍蟠丹泉借獻勾漏井黃雞宛唱瓊瑰筵
神之來兮自洛社會昌一老寰中仙風流裙屐緬未遠
觴咏洽坐情交歡八旬桼叟忝執壺鬚髭白雪空被肩
里謠孰繼新樂府墜典聊綴西神班

萬花塘晚春

陌上朝來草色新誰家車馬碾芳塵春歸歲歲勞相送
祇有楊花似故人

查銘三松下看詩圖

二首

書帶庭前亂葉鋪徂徠分得數株孤何時更倩關風手
妙寫張爲主客圖

偃蓋支離一畝寬風吹遠翠入晴巒知君得句如佳畫
茶熟香溫且自看

白也非仙才

白也非仙才十詩九言酒厥毒中腐腸無事學犀首抱
薪而救焚可哉曰否否豈其志長生翻願身速朽長安
市上眠落魄伍屠狗搖筆詠名葩賈怨亦自取迨乎夜
郎竄浩蕩洗瑕垢放還旋俎隕酒仙孰垂手後賢每不
悟覆轍更相守沈湎宵逮晨酣醺卯及酉不惟骨俱醉
顧恐脅先剖試叩諸華顛不飲間多壽吾言誠惡客只
足告醒友脫遇謫仙流百爵奚辭斗

祝覃溪先生八十壽

越樹燕雲路鬱盤中天華嶽更巒岼勳名早已欽寰寓
年齒何妨等潞韓學富龍門千載業書藏靈鷲萬儒觀
吾浙靈隱書藏之設先生實首倡其議豈知地望相懸處偏許神交續古
歡

黃鶴山前詠紫芝依稀龍馬見眞姿三朝恩遇人無
兩九老圖看世益奇麤饌再嘗元未晚甲辰虛度自慙
雌騫與先生同癸丑生願隨東海中秋月長滿睢陽百歲卮

鄂韓主人饒淨相構李

疎星散地瑤光直百歲倦翁驚乍識啟籥亂走赤玉盤

驪珠夜出扶南國美人贈我勝木桃何以報之英瓊瑤
亭蘿人去不復返城湮構李蕤蓬蒿永安煙雨駢枝墮
剩粉殘脂強妝裹到頭元未入吳宮品流定出房陵左
繡襦攜酒春宵嫁更鼓頻催銀甲卸東家女兒也效瞋
梅里東禪寺亦產構李雪泥鴻爪隨僧化君不見越絕春秋逞霸
圖吳亡轉眼足嗟吁不如鄂韡徵家瑞長占尼山筆削
餘

祝澧塘七十壽

先生射虎祠邊住龍馬精神海鶴羣得句每參蘭聚席
談經能張釣臺軍西池草碧春難老南岳花紅酒未醺

更羨齊眉賢德躍焚香同拜玉宸君

悼胡雪方

門前古樹綠沈陰地下良朋有斷金
易得功名難得壽白頭老子獨傷心

兼傷一方伯也

萬里招魂蜀道微瞿塘峽日片帆歸
惟將一匹胡威絹畱與高堂作襖衣

澧塘拈花微笑圖

何來一枝花拈出無名指道然若有會
莞爾啟其齒休言此笑微一笑一千祀
直至黃河清尚覺容有喜先生默點頭
你說的便是

閨秀吳筠早花遺稿

悼亡才子潘懷縣寫韻仙人吳彩鸞一自玉樓花謝早
幾回欲過畫簾難

仙韶一夕駕雲輶欲向蒼蒼更乞靈願得他生還作女
教君長對遠山青

山香舞罷一躑躅春瓣何須怨雨絲千古傷心畱問蒼
人間唯有落花詩

稿中落花詩
附問蒼尤佳

讀簡莊所撰丁小正學博墓志感題二絕做少陵

存沒口號意

菽水能怡苜蓿前何曾白首一官遷祇憐有道文成後

不見丁蘭又六年

平生師友最多恩
歷歷眞同閱曉昏
絮酒天涯徐孺子
何時重到下昂村

和小峴少寇過雲石山房

芳洲牽杜蘅千里挂帆席
江南春未老谷水化猶積
望古緬東山翰墨空遺跡
幽人正林臥憑襟倚雲石
豈無窈窕姿眷言情脈脈
出岫故無心爲霖俄周澤
流觴虛夙諾寢雪終高格
何日辟疆遊重吟山社碧
憶癸亥春過寄暢園少寇出沈石田碧山吟社圖見示

夏雨邨夢禪圖

不道香雪海俄成相見坡孤山賢處士丈室老維摩畫
到凡心盡吟揅鼓缶歌還憑月上女沙數說恒河

縹雲圖 二首

畫戟凝香續古歡玉梅霏雪不知寒縹雲大有綈袍色
莫作柔些舞袖看

玉璫瓏外惟茲石久冷荒煙夕照間卻喜少遊眞解事

載歸依舊近東山

玉璫瓏宋花石綱故物今在武林查孝廉有故宅在硤石東山下所謂雙

咏堂者也

聽鳥圖爲鮑春甫作

烏啞啞聽良久朝疑隔寒霜暮若淒衰柳眼枯淚盡烏

不還仰天惟見月落巢傾星散斗衰翁失孝婦弱子哭
慈母烏聲未絕風聲發請就慈烏靈更乞從今不用口
流血惟祝百年杖履壽而安晨昏代母勸加飧君不見
重親致歡曹景完

秋山謁墓

明張蒼水司馬葬南屏山荔子峯下憶乾隆壬子秋
曾同張晉樵裘荔亭萬近蓬朱映濤邵懷粹陳仲魚
錢廣伯諸君子醵金立碑墓道且相約每歲九月七
日公赴義之辰羣集墓下設公祭無間風雨迄今勿
勿二十餘載矣屈指諸君先後辭世存者僅予及仲

魚而已今年登高前二日子適遊武林遂攜觴酒獨
往南屏拜於公墓并賦詩二首屬仲魚和焉

獨把茱萸酒遙尋荔子峯濤聲掀半壁日色冷千松血
碧魂應化泥香骨已封

國朝賜諡忠烈

當年同伐石幾聽玉

樓鍾

猴吟猶嘆喈鳳嶺更淒清

公赴難時望鳳山曰好山色

已散零洋雨

難收細柳兵壺漿思父老野祭哭蒼生何日遺祠建還

教特筆櫟

同人相約將建祠亦未果

戚馥林以明胡臯畫見貽詩以酬之

少文工臥遊嗜畫如嗜炙清祕惠遠投高懷越鮑謝攜

來雲滿袖披對風生榭緬惟胡清華丹青類曹霸昔在
德陵朝名噪京雒下偶逐斗牛楂萬里鯨波跨斯文貴

東國畫并珠論價想當鐵研穿潑墨橫霄膀

臯畱朝鮮期年研爲

之穿作穿研賦見葵源縣志

歸來臥黃海跂足明牕暇供養託煙雲

八十猶嬰姹

臯壽登八十

我今保此跡哦詩荅書帕願君訪

仙眞壽等容成亞發興問軒臺同縛雙不借浴伴殊

砂湯餐分玉田稼宛聞飛龍泉欲向杯中瀉

飛龍泉在葵源見一

統志何景更入圖海日生殘夜

十月庚申八十初度前二日猶子輩置酒稱祝適

花農姪壻亦至卽席一首

茆堂小集鎮分曹鐵篆居然九秩叨

葛洋南贈年開九秩印章未有

春暉酬寸草空看淥酒泛蒲萄秦樓也薦雙鳬履

兄女歸寧

手製履綯爲壽

漢殿疇分竝蒂桃君是長齋八仙侶南弧偏許

壽星操

花農贈玉如意古木壽星俱佳

明日乙照姪復從福山寄俸歸屬置觴稱祝卽事

攄懷漫成長句寄勉

千里封題寄一卮歡餘翻遣淚如絲髫齡失怙憐渠蚤
皓首無成悔叔癡漫以長籌矜廣座好教努力報明
時來朝試上西籓望應見蓬萊日浴時

潛山以文登石二十四枚爲予壽詩以酬之

磊磊落落聲琤琤青青白白光晶瑩文房清玩孰爾過
蓬萊疊磯名夙珍雪淘浪戰幾千載人力肯與陽侯爭
東坡居士獨珍愛菖蒲取配供長生仇池雪浪品差亞
盆中百琲驪珠傾或遺梅丈或慈老要令遠夢生滄瀛
君也何從得此物定因東郡嘗趨庭八旬壽我二十四
算年恰已踰百齡我今腰腳雖日邁彈渦尚欲探遺瓊
先生舊遊故歷歷好同日觀峰頭行新詩高詠白石爛
坐看齊煙九點青

贈書林吳慶揚

慶揚君上之秀也其大父良甫昔與予交稱莫逆今

沒二十餘載矣喜故人之有後作碧浪載書圖以贈之并係二絕句

子夜歌殘歲月長江湖集散水雲涼天畱白首何哉在
又見文孫有慶揚

半船若下半笊簪每到桐陰醉未醒三十年來尋舊夢
拜經樓上補遺經

酬王思軒大使

鼎襄

讀拙集見贈之作

七年重訪舊郊居把袂欣同縞紵初渤海已知人奏績
萊蕪仍見釜生魚歌慙白雪千秋調家盛烏衣六代書
況是玉梅三九候好教吟破夜牕虛

附讀拜經樓詩集

王鼎襄

先生衰老鬢垂絲
問禮猶堪柱下師
樊榭山房空茂草
璫瓏翠館已荒陂
西冷文獻今誰在
前輩風流系我思
共說典型存二老
山舟翰墨兔牀詩

自題石頭小景

霜落西厓萬仞丹
鍾聲隱隱隔雲端
小姑山下行人少
莫是彭郎畏曉寒

補詠硤川名勝十二景

招提發春始瑤霏
半凝潔不有暗香來
猶疑林際雪試叩
藥珠人團瓢幾年結

廣福探梅

競攀千仞巖何異三天竺浮巖暖翠醺醺漫空綠落

日半松扉遊蜂尚相逐

東山香市

秋嵐不成雨化作硤中爽遙睇出林羽相呼常一兩緬
懷葛稚川正作餐霞想

上方朝爽

丹梯懸百級綠樹陰千變數聲發幽亭俗耳已如浣坐

久落花多興闌終不換

山亭鳥語

長虹飲煙渚文彩尤陸離高人迹已遙孤嶺空屢屨幸

有滄江權年年貫月歸

鄒嶺垂虹

東峰塔連雲西峰塔無痕湛湛鵲湖水中古帝魂旦

暮塔來朝土木知君臣

鵲湖塔影

黃花若散金點綴疎籬下望之有餘輝攬之不盈把何妨馬自然醉臥泉明舍

菊莊秋色

策策復堂堂東西任遊戲誰言石涇小居然濠濮意何時更可觀細雨初來際

石涇觀魚

山橋宛臥虹澄波淨如練疇傾姹女丹徧染楓江岸宜有捕魚人村沽隔溪喚

俞橋楓葉

矯矯石頂松泠泠石間溜只作在山清不厭雲添縹歸來釣鼈客醉枕梅花瘦

石窩小隱

松籟早花前佛磬晚雨後松磬兩忘情花雨自紛糺直待放下時元來一茗帚

放庵晚磬

何年少海風幻出瑤島影傑閣小憑襟一豆至俄頃借
問壺中人何時煙雨醒

蓬壺煙雨

思軒大使將還武林以詩贈別賦荅

久客懷明發清溪濬東駛運行罕停機歷落分與至元
冥戒暮節冰霜淒已厲驪歌將首途別思猶盈袂百里
沍煙霜迢遙指空翠西冷追昔遊十子聲誰繼雲荒處
士宅鶴老妻梅地君行及春曉浩渺登樓思人日富新
篇毋忘草堂寄

西郊晚步偶成扇頭小景

徙倚西郊望空原日易晡風前雙鷺下杖外一孫扶遠

樹半無葉寒山多入圖歸來聊點筆換酒間當壚

漢陽葉東卿

志說

以洋銅摹鑄漢慮僂尺成拓本

并翁覃溪鴻臚所作尺記寄眎索詩漫賦

九牧純鏐赤帝精遠隨番舶浮零丁女媧未鼓燧皇橐
機矩疇握成通靈緬昔聖后同度量黃鍾入律鏗韶莖
夏殷損益理可測成周以下追漢京叔孫禮樂蕭相律
中興四器咸中繩建初尺造大荒駱六年辛巳考工一準周
法程牛頭秬黍審橫縱布指想見殫精誠不然銅官布
寓縣安得獨擅慮僂名垂之百度允圭臬龍淵何意埋
豐城一朝獲遇孔博士湖海著錄三考明奉藏家廟旅

灌匱千秋鼎齊芳馨人間競傳拓本出雖有七品費
校評石林妮古尤博物鑄金重譯千金輕工良劑美篆
法古要令海外思虞庭徐福行時書未素煌煌帝典孰
敢增危微精一滋辨難幸茲尺度無違經淋漓翠墨揭
蟬翅千里遠寄煩名卿我未見尺先見攷三復誦之神
爲征重華廟前一坏土譬失冷道得始平寸有所長尺
有短楚臣遺語寧恒情策馬雖遙舜當軼漢泉莽布終
可徵昔忘蕪陋撰尺苑三年刻楮羌勞形舊昔嘗攷古
今尺制之不
同爲尺苑二卷又琢玉倣
建初銅尺以考定古泉器何時相見舉就質玉壺冰鑑
懸秋清未妨更乞廣川紀祗愁卻步慚尹邢

題思軒還讀軒詩鈔 四首

七載離情恨別天一編欣復慰華顛文章江左家家玉
祇有君詩玉有煙

曲學攻書辨古今研幾丙夜每沈吟金絲堂畔從容語

好夢能通伏氏心

君自言曾夢見伏生與辨古今文尚書事

從知屈宋擅風騷白雪吟成調更高安得香醪沽一石

醉敲銅斗讀全豪

集中全豪韻詩尤奇卓

碧雞金馬論家世蜀道秦吟盡正聲隱隱滿懷心事在
他年前席話蒼生

寒夜對酒懷半圭

邨酒煨來竹葉香
故人多病在匡牀
何時更掃毛園雪
暗數梅花玉漏旁

滿硯寒雲凍不開
甕頭猶是隔年醅
消寒記得圍爐夜
煨芋頻添滑柸來

受笙孝廉以金山香鼓及雙鳧見餉率酬二絕

癸酉

香鼓傳來未啟封
鳧雛先爲煖邨醲
受笙昔爲予買得古銅鳧首雛耳
醉餘不作西涼夢
只聽金山寺裏鐘

霜楓白浪遠連天
不到邗溝又十年
珍重懷人千里意
夜深燈火泊江船

二月三日遊峽石晚泊紫微橋下招同簡莊孝廉
蓮岫開士篷牕小飲簡莊言今夕正東坡在黃
州點燈會客試錢塘藥玉船時也因相與盡歡
各賦詩而別

新月纖纖未上弦招提樹影隔溪煙休思赤壁吹簫客
好借錢塘藥玉船

好友同舟半是僧春風秋月等除乘何妨共作遊仙夢
且看黃州市裏燈

山館牡丹

一叢深色曉妝勻千古風流說太真我意尤憐三月雨

誰家看去十分春紫絲障擁雲難住白髮愁多酒不神
祇荷新來飛燕好銜泥還過草堂頻

八旬聊寄人間世每到花前輒憶君月殿霓裳新舞袖
雕闌春靄舊行雲猶疑有夢歸芳蝶可得無心憶錦裙
默數平生歡賞事幾回獨立向斜曛

家柳村清溪釣隱圖

金粟香和玉露團笠簷蓑袂倚風看故鄉卻憶嚴陵上

釣得童魚一笑歡

予與柳村皆原籍白巖新安江出童子魚最佳

妝域詩

并序

妝域者蓋前代宮掖角勝之戲或以象牙爲之其形

頂微隆下平而有鍼宛同豎竝刻鏤精巧旁鐫妝域
二字下承以局昔堇浦杭先生嘗與沈樂城厲樊榭
趙谷林意林諸君作妝域聯句詩余閒過橙花館先
生爲細述其形製之微妙謂不可再見今年夏初簡
莊孝廉攜清玩數種見顧中有剔紅妝域雕鏤尤精
旁刻大明嘉靖年造知爲前明果園廠物摩挲久之
恍憶前輩之風流轉瞬幾四五十載漫爲之賦以志
歲月工拙所不計也

紫髯實妙才志古負奇嗜示余新所收漢鐸及吳幣
氏活碧青瑤青生砂霽虹霽妝域更輪囷層疊剔紅細

諦審書一行知造前明器上充尚方供下逮宮闈麗良
辰互招要令節饒佳會絡繹催宮娃試問妝成未界吟
始未分羯鼓作其氣一笠繞珠槃万象入圖次前行方
躑躑後來猶蹶蹶初忘握槊勞詎屑投瓊計踰局例有
罰勝負且姑寘吹花永晝銷題葉閒情閱流落偶人間
輒復資談藝緬昔杭沈儒妙選觴詠地石鼎續聯吟蒼
牙學小試脫手皆彈丸側帽露高髻騷壇俄冷落老成
盡凋瘁回憶橙花館橙落秋蛸沸君今自何許得此佐
清祕粉澤半幽香芳巾想餘膩果園復果園寧非雙峽
異摩挲老眼憶往成歔歔還憑方山子更譜妝臺記

附同作

陳鱣簡莊

雕漆宋最精元有張楊作

張成楊茂二家

明時果園廠所製

亦不惡何物小團圞握之類餽飪背益面則平腹厚
外微薄黑質露朱顏梓材塗丹雘周遭盤花文剔紅
勝金錯明嘉靖年製楷書未剝落乍見莫能詳羣編
費搜索千千舊事渺空鐘放誰著徵諸道古堂妝域
名昭灼六子共聯吟各人矜奧博此惟漆雕成彼乃
象齒鑿形製悉合符大小咸相若宮中角勝戲其事
非臆度永晝館娃閒鋪筵縱浪謔柔荑手自纖皓腕
力嫌弱用智圓而神蓄勢搏而躍向難定午針卓如

立丁腳袖拂尚旋螺局收猶啄鶴踰越界鴻溝輸贏
等六博想當世宗朝陳后中屏雀戲錢擲四側餘技
恣笑噓形史拾遺記世宗朝陳皇后昭儀諸位號貫
魚分寵樂形史拾遺記注今史官言明代彈指三百
年款識幾捫摸往事失宮娥前塵付冥漠畱作典故
傳補入景物略

朱子履伯手錄講山雜記竝鈐印章見詒

蹈海雲遊志各操黃冠草履學冥逃桃原不著冬青雨
猶有遺民說謝翱

秋思堂空恨未銷丁零和淚寫冰綃一編无悶傳親筆

陸氏雙珠好合鈔

碧桃八十一番華

放翁句

閱徧朝霞與暮霞何處天風吹

到我真疑來自放翁家

羊求休凍魚鱗繡金薤琳瑯玉筍文憶得昆吾輕奏處
綏山筵畔酒初醺

京口楊子堅枉道過訪卽題其吟集

湖海行遊致獨佳驪珠百斛映秋淮不禁倦眼摩挲處
直欲呼君小鐵厓

兒女英雄事渺然蘇臺楊柳幾吹綿惟應日與張思曼

謂船山太守

痛飲要離劍石邊

附 癸酉新秋自江上買舟入湖過耕烟草堂奉訪

槎客先生書此以贈

丹徒楊 鑄子堅

海上閒雲伴白頭
酒榼琴軫壓扁舟
書探石室搜奇字
名滿江關占選樓
願訂鷗盟謀一面
好分吟席任千秋
桐溪自有盈盈月
今夜還添兩地愁

蟲化蝶謠一首和潛山

蟲化蝶 蟲化蝶 蟲不化蝶 卽蝨 賊槁壤焦原 一呼吸 蟲
之來疾於蛾 毒霧竟夕徧滿海國 可憐窮黎 命寧足供
爾蝕 三百六十有一 都踉蹌老稚顛 且踣惟見連筐倒
畚集縣牆 亟請我侯 驗堂皇 侯心鬱結甚湯火 姑慰溫

言莫徬徨我其肅齋泣禱吾上蒼朝履畝夕露香刺史

治民實無狀赤子何辜丁此殃帝鑒爾衷誠惻款顧勅

天曹立驅殄

俗傳劉猛將爲宋劉漫塘宰非是按秀水朱坤靈泉筆記宋景定四年封故淮南江

東浙西制置使劉錡爲威揚侯天曹猛將勅以神有捍蝗之功也足正俗傳之譌

赫然武穆公

猛將軍金戈鐵馬橫空震威輦蟲欲前前無臂蟲欲

後後無踣忽如花蠹噲仙露兩腋蘧蘧化作彩霞片片

隨風散變災作瑞易轉燭回看十萬膏腴無損一粒粟

民樂官清官曰是爾民之福猗嗟吁兩間異事無時無

虎能渡河鱷遠徙人物交感神交孚射蝗吞蝗徒區區

孰若玉堂佳話洵不虛

玉堂閒話載後漢許敬遷有奏東洲蝗蝻化蝶事

人生

何不逞良圖青史千秋循卓書而謂昆蟲草木無知徒
君不見海昌都尉胡大夫

寄小峴司寇

先生老屋城南隅蒼松翠竹冬不枯三盈三虛門前客
載欣載奔歸來途五湖煙水落吾手一竿晚食正得鱸
蘇門遊舊幾人在淮海文章世所無三年未見痛余老
采采芙蓉空日晡啟期九十猶帶索而我白髮不可勸
明年若得病魔遣尚欲西尋碧社圖一尊芳醕續寄暢
醉敲銅斗歌嗚嗚

病中有懷諸耆宿詩

此先君子未竟之稿已成
者七首謹依原稿次序錄入

荆溪任更三奉直

魚書迢遞孝侯祠人仰傳經老釣師一壑風煙陽羨里

學孫何幸得新詩

余今春得學孫更三特寄詩見賀

錢塘梁山舟侍講

百齡重醉杏園春九十齊眉世罕倫見說功名薄梁顛

何妨莊缶學安仁

先生今春悼亡宜人壽九十二猶篤伉儷之情哭泣盡禮至今不預吟咏

同邑周松靄大令

曇華幾現鄭公鄉蘋藻橫連八桂芳轉憶歸愚題句好

禹糧堯韭舊耕桑

荆溪申蕉庵文學

贏得枯槩脫橘歡靈犀角內宛雙仙祝君百歲傳經學

長試錢塘藥玉船

今年蕉庵七十懸弧之辰余以橘仙犀角杯寄祝之

陽湖孫淵如觀察

一官自看秦亭日千軸爭充歐趙簾最是殷勤臨去候
猶搜奇字寄高貞

金壇段懋堂大令

清忠門第本金沙僑寄蘇臺說歲華七世一堂希世有
豈惟拜紀到君家

同邑祝簡田太史

一拜遺祠薦楚萍渡江先見蔽山青證人社裏眞人譜

猶守龍山舊典型

汪厚叔比部蘇潭圖

青山迢遞晚風清一網樓檣過雨輕閒步竹橋煙未合
老翁泉上月初生

雙節慈暉寸草涵眉山忠義亦無慚看君克紹家聲處
盍喚蘇潭作孝潭